

Бақара сураси, 98-оят

21:45 / 24.10.2017 2919

**Ким Аллоҳга, Унинг фаришталарига, расулларига, Жаброилга ва
Микоилга душман бўлса, албатта, Аллоҳ кофириларнинг
душманидир. Бақара 98.**

Ҳақиқий мўмин барча фаришталарга бирдек иймон келтиради. Биттасига куфр келтирса, ҳаммасига куфр келтирган бўлади. Шунингдек, ҳақиқий мўмин пайғамбарларнинг ҳаммаларига ҳам бирдек иймон келтиради. Улардан бирорталарини инкор этган одам кофир бўлади.

Ушбу оятда яхудийларнинг кофириликлари ва уларнинг Аллоҳнинг душмани бўлганликлари айтиляпти. Шу кофириликлари ва Аллоҳга душманликлари боис, улар динлар ўртасида тафриқа солишади. Ҳатто фаришталарни, пайғамбарларни фирмә- фирмага бўлишади.